

www.BibleForChildren.org

Matayo 8



Awo oluzwanyuma lw'enaku ibiri, oku lwokusatu, ni wabbaawo embaga ey'obugole omu kibuga e Kaana eky'omwitwale ly'e Galiraaya. Omaaye wa Yesu yabbaireyo oku mbaga eyo, era oYesu n'abeegibe bona babbaire beete oku mbaga nago, era bona babbaireyo.



Kale awo omwenge ogw'emizabbibbu owegwawoirewo, omaaye wa Yesu n'amukoba ati, "Tibakaali bali n'omwenge gw'emizabbibbu." Neye omaaye n'akoba abaweererya b'okumbaga ati, "Buli ekiyabakoba nga inywe mukikola."



Oluzwanyuma oYesu n'akoba abaweererya abo nago ati, "Agansaka ago mugaizulye amaizi;" era bona ni bagaizulirya nakimo paka ku migo. Awo n'abakoba ati, "Aale atyanu museneku mutwalire oyo akulira embaga."



Kale abaweererya bona ni bakola ekyo oYesu
ekiyabakobere, era akulira embaga n'alegaku amaizi
oYesu ageyabbairu
asuuciryemu omwenge
ogw'emizabbibbu. Cooka
tiyamanyicirye
egigwabbairu guzwire
wairu ng'abaweererya
abaseneru amaizi
ago ibo babbairu
bamaite.



Kale awo akulira embaga n'airya omugole omusaiza oku mbale okumukoba ati, "Buli muntu asooka kugabula mwenge omusa, atyanu abageni owebamala okunywa ni banoja, kaisi n'aleeta ogutali musa. Neye iwe obisire omwenge omusa paka saawa eenu."



Kanu niiko akamanyiciryo k'ekyewunyo akasooka
oYesu akeyakolere omu kibuga e
Kaana eky'omwitwale ly'e
Galiraaya, era omu ngeri
eyo yalagire ekitiisyakye,
era abeegibe ni bongera
okumwikiririryamu.



Awo oYesu oweyaingiire omu nyumba ya Peetero,
n'abona omaaye wa muka Peetero ng'ali aawo
omusuuja gumuluma ino.



OYesu n'amukwata oku ngalo, omusuuja ni gulama, era omukali oyo n'asetukirawo, era n'atandiika n'okumwinula.



Akanaigolo, ng'eisana ligwire, ni bamuleetera
abalwaire bonabona, n'abo ababbairaku emizimu.


Era abantu ab'omu
kibuga ekyo bonabona
ni bakumbaanira e
nza oku mulyango.



N'alamy'a bangi ababbairu n'endwairu egiya buli ngeri.
N'ababbairuku emizimu, n'agibabbingaku nga
tagiikirirya kadi kutumula olwakubba gyabbairu
gimumaite.



Buli muntu yagezyeryeku okumukwataku olwakubba
obwezye wamuzwangamu era ni bubalamyanga
bonabona.



OYesu oweyabbairre ng'abalaabbira ekibono kya Kibbumba, ni waizawo abantu bana nga bagingire omulwaire asanyalairre, bamumuleeteire.



Owebakayire okumutuuca oYesu
egiyabbaire, olw'ekiziima ky'abantu,
ni babiikula ekitundu ky'ekisooto
ky'enyumba, okuteeba
oYesu egiyabbaire.



Ni babitya omulwaire oyo
omu kiwundu ekyo
ng'alambaire oku
mukeeka okubamuleeteire.




OYesu oweyaboine okwikirirya kwabwe, n'akoba asanyalaire ati, "Mwana wange, nkusonyire ebikolebyo ebibbibbi." Era awo n'akoba asanyalaire ati, "Osetuke! Oginge omukeekagwo, era okange e ika!"



Awo oYesu n'aniina omu lyato, era abeegibe bona ni baaba naye. Ogumpunga ogw'amaani ni gutandiika okufuwa oku nyanza, amayengo ni geesuka omu lyato ni libbuuca kwizula amaizi. Neye oYesu iye yabbaire agonere.



O Yesu n'abakoba ati, "Lwaki mutiire? Nga muli n'okwikirirya kutono!" Awo n'asetuka, n'akaawuukira ogumpunga n'amayengo, era enyanza n'eteekera nakimo kusani! Bonabona ni beewunya, ni bakoba bati, "Onu muntu w'engeriki? Obona n'ogumpunga n'amayengo bimuwulira!"



Ekyo kityo olwakubba oKibbumba
yatakire ino abantu era n'awaayo
oMwanawe omoiza yenkani, kaisi buli
muntu amwikiririyamu tiyajigirika,
wazira abbe n'obwomi
obutawaawo.



Ab'e Looma 3:23 Kiri kiti, buli muntu yabbengere omu maiso ga Kibbumba, era n'atayezya okuseseegerera oku kitiisya ekyatutakirya.

Ab'e Looma 6:23 Ikyo omuntu ekyasuna ng'empeera y'obugalamabwe eeri ekibbikibbi, kufa. Neye ekirabo iye oKibbumba ekyagaba abantu amantakikolerera, bwomi obutawaawo. Era, obwomi obwo tubusuna lwa kweyunga ku Kurisito oYesu oMusengwa waiswe.

Ab'Ebbulaniya 9:27 Era nga buli muntu oKibbumba oweyamutegekeire okufa lumo, era oluzwanyuma lw'okufa, ni bamusalira omusango,



Ab'Efeeso 2:8,9 OKibbumba yabalokoire lw'ekisaakye olwa kwikiririrya omu Kurisito oyo. Iye okubalokola tikyazwire kuniinywe, wazira kinu kirabo kya Kibbumba. Tikyazwire mu bikole byanywe ebisa, oolwo kaisi tiwaabbaawo muntu yenayena eyewaana.

Ab'e Looma 10:9,10 Tukoba tuti omuntu yenayena kasita abbutula n'omunwagwe omulwatu ati oYesu niye oMusengwa wa byonabyona, era n'aikiririrya nakimo omu mwoyogwe ati oKibbumba dala yazuukizire oYesu, oKibbumba yamulokola. Iye omuntu asooka kwikiririrya mu Yesu omu mwoyogwe kaisi oKibbumba n'amubala okubba muntu atuukiriire. Tete era, asooka kubbutula na munwagwe mulwatu ati aikiririrya omu Yesu kaisi n'alokoka.



Yokaana 3:16,17 Ekyyo kityo olwakubba oKibbumba yatakire ino abantu era n'awaayo oMwanawe omoiza yenkani, kaisi buli muntu amwikiririyamu tiyajigirika, wazira abbe n'obwomi obutawaawo. Ekyyo kityo olwakubba oKibbumba tiyatumire oMwanawe oku kyalo kusalira bantu musango, wazira yamutumire, kaisi abantu balokoke nga babita mu niye.

1 Yokaana 5:11-13 OKibbumba akakasa ati yatuwaire obwomi obutawaawo, era obwomi obwo tubusuna kubita mu Mwanawe. Kale iye oyo aali n'enkolagana n'oMwana wa Kibbumba, ali n'obwomi; era iye oyo abula enkolagana n'oMwana wa Kibbumba, abula obwomi. Kale mbawandiikira oku bintu binu, inywe abaikiririrya omu liina ly'oMwana wa Kibbumba kaisi mwezye okumanya muti muli n'obwomi obutawaawo.



Matayo 8-9; Maako 1-2, 4; Luuka 4, 8; Yokaana 2

Storyline by: Edward D. Hughes

Illustrated by: Byron Unger; Lazarus
and Alastair Paterson

Adapted by: E. Frischbutter; Sarah S.

Gwere Bible (gwr) © Wycliffe Bible Translators, Inc. All
rights reserved.

<https://live.bible.is/bible/GWRWBT/MAT/1>

©2026 Bible for Children, Inc.

www.M1914.org

www.bibleforchildren.org

